

籌辦夷務始末

籌辦夷務始末卷之三十五

道光二十一年辛丑九月戊午

諭內閣文蔚著授為參贊大臣馳驛前往浙江辦理軍務

又

諭端華著馳驛前往浙江查辦事件所有隨帶司員著一併馳驛

又

諭本日已改派文蔚為參贊大臣胡超著帶領陝西兵一千名馳驛前往天津會同訥爾經額辦理防堵事務

諭軍機大臣等前因逆夷滋擾浙江已降旨令裕泰調湖北黃州協等處兵一千名赴浙矣茲特授奕經為揚威將軍哈琅阿文

蔚為參贊大臣馳往浙江勦辦著裕泰於湖北省再挑選精兵一千名令曾經出師之將弁迅速管帶前赴浙江交奕經等調遣並嚴飭帶兵之員毋許兵丁沿途滋擾

又

諭前授胡超為參贊大臣諭令馳赴浙江辦理軍務本日已降旨將參贊大臣改派文蔚矣現在天津最關緊要亟應預籌防堵胡超久歷戎行深明韜畧籌辦防剿必合機宜著即帶領陝西兵一千名迅速前赴天津作為後路應援之兵並杜其北竄之路著會商訥爾經額於何處屯駐得加毋稍遲緩其陝西後起兵一千名著原派之將備管帶兼程前往浙江以資調遣

又

諭天津地方緊要。本日已明降諭旨。著胡超帶領陝西頭起官兵一千名前赴天津。會同訥爾經額籌辦防堵事宜。其參贊大臣已改派文蔚矣。因思官兵槍礮排列前路固宜精銳。後路尤應層層設伏。壘出不窮。方足以聯聲勢而懾夷膽。此項陝西官兵到後。毋庸分派海口。另作後路應援之兵。其應在何處屯營。接應之處。著妥議具奏。又察哈爾本年應交馬匹。現已屆期。已降旨飭令鐵麟等認真挑選交納。著該督派委妥員。覈實驗收。總期驍壯足額。毋令經手官弁朦混滋弊。並著派委弁兵分別餵養收放。俾臻肥碩。不特畿輔足資乘騎衝突。設或他處調取。亦

可驅遣得力。萬勿散置各營。臨時致有掣肘。是為至要。

己未。

諭內閣牛鑑著補授兩江總督。仍迅速馳驛前往。毋庸來京請訓。

又

諭參贊大臣特依順著改赴浙江辦理軍務。

又

諭現派參贊大臣特依順前赴浙江軍營。哈琅阿著毋庸作為參贊大臣。仍回山海關辦理防堵事務。

諭軍機大臣等。本日已明降諭旨。將牛鑑補授兩江總督。並令迅速馳驛前往。毋庸來京請訓。江蘇各海口防堵事宜。亟須籌辦。

該督接奉此旨後務即迅速啓程馳往該省親歷各處海口相度情形悉心籌畫將一切防勦事宜趕緊妥為辦理務使處處有備不致臨事周章是為至要

浙江巡撫劉韻珂奏竊臣昨因各處所報

欽差大臣裕謙下落參差不符奏請俟查明後另行奏報在案旋據江南揀發都司珠隆阿護送

欽差大臣及兩江總督兩淮鹽政各關防印信到省並據該大臣家丁余升稟稱八月二十六日奉伊主面諭以夷船連檣而進僅有不測令伊等將關防印信交珠隆阿齎回當即上城督戰自辰至午招賈小金難古及縣城失陷伊主知

事不可為行至泮池之旁望

闕叩頭當即跳入池內殉節經兵丁撈起搶護出城擡至甯波府署易衣灌救僅止微息當即趕緊行走於八月二十七日未時過餘姚縣城四五里地方氣絕來省成敏伊主尚無子嗣遺命以胞弟世襲一等誠勇公裕恆之子兵部筆帖式德峻兼桃等情臣接聞之下涕泗交橫不勝怨憤當即購備棺木會督僚屬妥為成斂該大臣自逆夷滋事以來銳意滅賊欲圖為

國宣威雖逆賊甚熾而壯志愈堅今所願未酬力竭殉節深堪悲痛仰懇

天恩。

俯賜優卹以勵巨節而慰忠魂並乞

恩准飭伊胞弟世襲誠勇公裕恆赴江扶柩回都以期周妥
殊拙為國捐軀深堪憫惻嘆夷之可恨難以言喻

劉韻珂又奏。臣自上年蒙

恩擢任來浙以嘆逆膽敢犯我瀛壖切齒深恨欲加痛勦以洩憤
懣而振

國威其時粵省尚在議撫臣即以夷情可疑上陳

聖聽一面親赴鎮海察看情形以定進兵之策抵鎮海後細加體
察備知敵強我弱難與爭鋒惟有以守為攻或可自固嗣

督臣顏伯壽

欽差大臣裕謙先竣過省彼此意見相同遂將守禦事宜悉心商酌竭力措置及四月間裕謙赴兩江新任臣復至鎮海因守備必須嚴益加嚴奏明添建各項防工又時以恩義固結兵心冀收一戰之效七月間裕謙重莅軍營聞廈門失守復在各要隘設壘掘濠杜其登越並親率各兵再三激勵於戰守之法實已曲盡無遺不期旬日之內前功盡棄喪師失地致裕謙力竭捐軀此臣聞警之後所由歎息痛恨至於慟哭而不能自己者也現在甯波雖尚未失陷而該逆火輪船業已駛入窺探不日即來侵犯該府並無大

礙其留守官兵不足一千。臣屢次咨行提臣等速招潰兵。俾資守衛。故准該提督以江南及本省衝處等標兵丁概不入郡等情。鈔摺咨會。其來至省城者。臣截留點驗。率皆赤手空拳。並無器械。且或已受傷。或已患病。不能遣用。即稍覺壯健者。語以遣往甯波。無不驚悚。臣以此等兵丁心膽俱怯。若仍令赴甯。則夷船一到。必先奔竄。適為潰敗之倡。必不宜再令前往。因將精壯之兵酌量留省巡防。暫備彈壓內地匪徒。餘皆遣令回營。以免徒費口糧。此外裕謙續調各兵俱未入境。僅止江甯旗兵八百名到浙。臣已飭令星馳赴甯援應。惟逆夷數逾巨萬。前項旗兵及本營守

兵共止一千數百名。多寡懸殊。而本省又再無可調之兵。勢難抵禦。是甯波之萬難獲全難逃。

聖鑒。且該府居民。聞警星散。十室九空。土匪大肆搶掠。毫無顧忌。不但該府如是。即距鎮稍遠之慈谿縣。及紹興府所屬。無不皆然。甚至省中亦復訛言四起。人心驚惶。紛紛遷徙。臣屢次明白示諭。設法安撫。並囑紳士等轉相開導。人心終不免搖動。是所慮者。又不獨在逆夷。此又臣輾轉思維。不禁心膽之俱裂者也。伏查自上年該逆犯順。迄今載餘。所攻之處。無不摧破。前此定海之被陷。與粵省虎門之失守。尚由於失防。若廈門則有鑒於定海虎門。而防之甚密矣。

乃一晝夜即已蕩然。本年之定海鎮海更有鑒於廈門而防之益密矣。乃旬日間仍復蕩然。夫廈門定海鎮海三處守禦事宜皆聚全省之精華。殫年餘之心力方能成就。實非易易。而該逆乃直如破竹。蓋其礮火器械無不猛烈。精巧為中國所必不能及。又該逆漂泊於數萬里之外。其眾皆以必死為期。萬夫一心。有進無退。而財力充裕。無一處不勾結。漢奸無一漢奸不得其重賄為之致死。此其所以逞兇肆逆。各省不能取勝之實情也。本年二月間前任欽差大臣伊里布收復定海後。旋回本任。路過省城。與臣言及伊當該逆占據定海之初。專意勦辦。曾經具摺密奏。有必須

使該逆剗鉅痛深。方可冀其懾服之語奉

命來浙。細加體察。始知前言不能自踐。茲又據自鎮回省之福建藩司鄭祖琛及各委員面稟。伊等是日在各處分頭稽察。奸匪目擊該逆與我接仗。其礮彈之猛。火箭火罐之奇。出人意料。且其爬越金雞招寶等山。矯捷如猿。我兵由上壓下。本屬得勢殺逆亦多。乃餘逆毫無畏懼。仍各蜂擁而上。以致失陷各等語。臣聞此情形。憂憤愈甚。伏查自古制馭外夷之法。惟戰守撫三端。今戰守不秒。撫又不可。臣博昧庸材。實屬束手無策。該逆現又連占二縣。恐未必如廈門之即行退出。而彼之兇殘愈勝。愈驕。我之士氣愈挫。愈餒。

沿海之漢奸又恐愈集愈多今欲剋期恢復實難措手惟
有仰乞

皇上迅派精熟船畧之元戎

授以機宜俾得速安海嶠不勝急切待

命之至再該逆前在粵東曾有赴廈門定海天津之言今聞浙西
處均被攻擾恐其復行北駛並懇

敕下直隸督臣及該逆赴直必應經由之江蘇山東撫臣一體嚴
行防範以免疏虞

諭內閣兩江總督裕謙功臣後裔世篤忠貞經朕擢任封圻適當
逆夷滋事特派為欽差大臣辦理浙江軍務該督銳意圖功方

資倚畀。茲以鎮海縣城失陷，投水殉節，為國捐軀，深堪憫惻。著加恩贈太子太保，銜照尚書例，賜卹任內一切處分。悉予開復。伊祖班第於乾隆年間，在伊犁殉節，入祀昭忠祠。今該督臨危致命，不忝前人，著附祀昭忠祠。並俟軍務完竣後，再於鎮海縣建立專祠，以彰蓋節。其靈柩回京時，著沿途地方官妥為照料。並著伊弟裕恆前往江蘇迎接，到京時准其入城治喪，應得卹典該部察例具奏。

諭軍機大臣等：本日據劉韻珂奏，欽差大臣裕謙殉節一摺，已明降諭旨，加恩賜卹。另片奏逆夷可惡情形，覽奏憤恨，仍著劉韻珂竭力籌防，設法堵禦，相機妥辦，毋失機宜。一俟大兵雲集。

即行奮力進剿。殄滅醜類。至所稱裕謙家人稟內。牽及提督余步。害心懷兩端等語。已諭知揚威將軍奕經。到省查辦。以期水落石出。此時不可稍有漏洩。所有江甯城守副將。疊仲泰著該撫。迅即調赴浙江省城。聽候差委。不必派令他往。

又

諭寄諭直隸總督訥爾經額。天津為緊要之區。屢經降旨。飭令該督加意籌防。層層設伏。諒已遵辦。本日據劉韻珂奏逆夷情形。先伴異常等語。該夷舍命格鬥。兇饒愈張。當浙江鎮海接仗時。我兵由上壓下。本屬得勢。該逆毫無畏懼。仍各蜂擁而上。似此強悍兇惡。可恨之至。且該夷被殺一層。復添一層。其衆皆以必

死為期故有進無退槍礮連環周而復始我兵設伏抵禦亦應分番更替。臺出不窮。方可制勝。所有豫備後路兵丁及槍礮火藥。總須足數。五六月晝夜熬戰之用。方為有備無患。至該督布置一切周密妥協。萬無一失。現又降旨飭令胡超將後起官兵一千名。亦帶赴天津防堵。更足以壯軍威。惟天津既有港汊。該夷小船亦可乘勢駛入內河。其應如何杜其分觔潛渡之處。著該督悉心籌畫具奏。劉韻珂片著鈔給閱看。

又

諭昨經降旨令胡超將所調陝西官兵帶領一千名。迅赴天津。其後起官兵一千名。著原派之將備管帶赴浙矣。天津毗連畿甸。

防備尤為緊要。所有陝西後起兵一千名，仍著富呢揚阿飭令前赴天津，以資調遣。並著胡超管領與所帶頭起兵一千名到後，並作為後路應援。該提督仍遵前旨，會同訥爾經額商定屯駐地方，以期得力。儻陝西後起官兵行抵山西，即著揚國楨飭屬沿途截回天津，毋稍遲誤。

又

諭寄諭揚威將軍奕經、劉韻珂奏據裕謙家丁余升稟稱提督余步雲心懷兩端，並據江甯城守副將豐仲泰稟稱曾見余步雲上城與裕謙附耳密語等語。本日已降旨令劉韻珂將豐仲泰調赴省城聽候差委，並令裕恆至江甯迎護裕謙靈柩。後即將

余升交出。該將軍抵浙後。查訪明確。並傳集豐仲泰。余甘詳細。訊明據實具奏。不准稍有含混。原片一件。及稟詞兩件。均著鈔給閱看。

又

諭。昨因逆夷占據浙江定海鎮海。已降旨授奕經為揚威將軍。又蔚為參贊大臣。馳驛前往辦理矣。浙江夷務緊急。著特依順。無論行抵何處。迅即折回。由驛馳赴浙江。同奕經等辦理軍務。特依順參贊大臣。關防即由揚威將軍奕經帶往。面交。

欽差都統哈琅阿。奏吉林官兵素稱勇敢。多經行陣。現在吉林二起帶隊之佐領委營總開隆阿。曾經出師二次。著有勞績。

奉

旨賞加勇號。伏查該員年力精壯，軍務熟悉，以之差委洵屬得加。才即飭該員於吉林兵內擇其強壯純熟槍馬者，選備五十名，著開隆阿管帶，並由李先行飭知沿途地方官將應需車輛預為備辦，俟奉到。

諭旨之日，再由李札飭該員帶同兵丁隨後趕赴來京，一同前往浙省，以備差委。

殊扣甚不晚事

諭軍機大臣等：本日已明降諭旨。著哈浪阿仍回山海關辦理防堵事宜。毋庸前往浙江矣。哈浪阿奏請帶吉林兵五十名前往。

浙省甚不晚事者不准行至山海關逼近海口尤為緊要仍著
哈琅阿會同富僧德倭克精額富勒敦泰督飭弁兵嚴密防守
毋得稍有疏虞

庚申

諭內閣奕紀著改發天津效力贖罪交訥爾經額差遣委用不准
進京

辛酉

諭內閣貴州安義鎮總兵段永福著馳驛前往浙江隨同揚威將
軍奕經辦理軍務

又

諭管通奉著賞給六品頂帶。隨同揚威將軍奕經前往浙江辦理糧臺事務。

又

諭琦善著發往軍臺充當苦差。毋庸前赴浙江軍營。

又

諭烏爾恭額著加恩釋放。發往軍臺充當苦差。

杭州將軍奇明保浙江巡撫劉韻珂杭州副都統恆興奏竊照鎮海失守。甯波郡城朝不保暮。自慈谿縣西至省城人無固志。業經臣劉韻珂於前月二十八九本月初一等印疊次奏報在案。茲於初二日午刻據甯紹台道鹿澤長

稟稱該道於前月二十六日。在鎮海督戰。因逆夷猖獗。我兵不能抵禦。金雞招寶等古。及縣城先後失守。該道知事不可為。投入城河殉節。當時昏迷。被水勇撈起。送至慈谿。始行蘇。腿已跌損。探聞提督退守甯波。

欽差大臣裕謙殉節後。經士民救起。送至郡城。復由郡至存。在途身故。該道見潰兵紛紛內竄。即帶傷趕至上虞一帶。招集潰散。欲至甯郡守禦。本月初一日。據甯波府知府鄧廷彩家丁邵榮赴舟。次稟稱前月二十八日。逆夷火輪船一隻。至郡港。探量水勢。二十九日辰刻。夷船八隻。駛近郡城。鄧廷彩與提督鄧縣知縣等督兵上城守禦。因兵數無多。該

逆連開大礮轟擊不能抵禦。夷衆七八百人一擁入城。鄧廷彩跳入西門河中被船戶撈起載送。出城氣息已絕。用盪湯灌救稍有微息。現在存亡未卜。其餘文武各官不知下落。該家丁路過慈谿見縣城已經空虛等情。且等查鎮海失守甯波本已勢如累卵。前已據實陳明。今於二十九日即行失陷。是浙東又失一座屏障。所屬之奉化象山二縣更在甯郡東南均皆濱海。今郡城既失則該二縣俱被隔絕。深為可慮。甯波之西雖河道較窄。該逆大船不能直入。而三板小船在在可通。初一日接慈谿縣知縣王式曾來稟有居民紛紛搬避。勢難瓦全等語。今該家丁又稱路

過慈谿城邑已空。僅該逆或駕三板小船或由陸路乘虛
內犯。恐慈谿以上各縣亦均難保守。即使該逆一時不敢
深入。而內地奸民乘隙搶掠。人數日積。日多。更恐所在嘯
聚。將成內訌。言念及此。不禁膽碎心驚。臣等與司道等通
盤籌畫。現在情形。惟有扼要守禦。以期保衛紹興。並斷其
自紹侵犯省城之路。查浙東內地形勢。曹娥江為緊要關
隘。下可以顧餘姚慈谿各縣。上可以保紹郡省垣。自應設
兵駐守。俾免該逆長驅直入。並可彈壓地方。查李匪類皆
杜內變。惟浙省此時無一兵可調。祇有前次遣往甯波應
援之江甯旗兵八百名。尚未抵甯。臣等已飛飭帶兵各官

即在曹娥一帶駐紮並將蘇省解來之糧礮撥發五十桿
送往備用第該處駐兵防堵為目前第一要務必得謀為
兼備之大員至彼調度方期有濟日來省中民情愈益驚
惶勢甚岌岌臣劉韻珂晝夜設法鎮撫尚難安輯且該逆
先欲正熾尤恐其自海道而犯乍浦並由海甯州之尖山
逕犯省城臣劉韻珂斷不便再行出省致根本重地復有
動搖且省城僚屬紳民亦均不容出省查前任福建藩司
鄭祖琛明幹有為前經

欽差大臣裕謙奏明赴鎮已蒙

俞允該司甫經到鎮城遂失陷不及有所展布今已自鎮回省臣

劉韻珂勉以大義。令赴曹娥督防。該司不避艱險。毅然自
任。現已發給令箭。飭令帶同文武員弁。馳赴該處。相機堵
禦。并嚴拏內地奸民。從嚴懲辦。俾民心稍定。甯紹台道鹿
澤長現既在上虞招集潰兵。又聞衢州鎮總兵李廷揚在
鎮海受傷後。亦回至紹郡。應令一並前赴曹娥。與鄭祖琛
會同籌辦。並令臬司蔣文慶。即在紹興駐紮。為鄭祖琛等
聲援。其糧臺亦在紹興專設。俾可就近支發。特是歷次奏
調之壽春江西湖甘等處官兵。均尚未到。曹娥現調之兵
為數總屬無多。且當歷次挫衄之後。士氣消阻。人心動搖。
事之濟否。臣等實不能逆睹。至省標滿綠各兵。本屬單薄。

臣劉韻珂疊次雇募鄉勇團練義民現在城內城外約計
共有二萬餘人連日傳見義勇頓目激以忠義賞給銀兩
伊等亦頗感動然定鎮兩處重兵先後潰敗省兵素本柔
脆鄉勇義民尤係不經行陣之人事急之際是否能收其
用殊難預定臣劉韻珂驚恐焦愁心力已竭疲憊不堪雖
捐糜頂踵無以上報

生成惟有仰懇

皇上示以機宜俾有遵守不勝感禱再臣劉韻珂身膺疆寄半月
之內連城被陷並懇

敕部從重治罪以為失地喪師者戒其甯紹台道鹿澤長衢州鎮

總兵李廷揚或殉節被救或在陣受傷退回內地現值用人之際應請暫緩查議俟事竣再定功罪以收指臂之功至甯波府鄧廷彩或存或亡及提臣余步雲下落容俟查

明另奏

劉韻珂又奏臣前准

欽差大臣裕謙鈔摺咨會奏明飭委安徽太平府知府舒夢齡並
咨南河督臣麟慶在鳳陽潁州徐州三府雇募鄉勇五千
名為恢復定海之用現尚未奉

諭旨惟查招募鄰省鄉勇必須本省有精兵勁旅控制鈐束庶可
以收該鄉勇協助之加而不致為非今浙省兵本素脆且

當節次挽敗之餘士氣尤為不振而鳳穎徐三府習俗獷悍棍徒捻匪數倍他處若在該三府招募鄉勇彼循良安分之人斷不肯以些微雇值遠離鄉井身當鋒鏑其餘來者無非不安本分之無賴游民現在本省已有土匪搶掠滋事民心搖動彈壓頗為不易儻再招集鄰省兇徒則引盜入室必將勾結貽患為益甚微為害甚大。臣等輾轉思維實非良策且前已奏請派兵來浙勦辦自蒙

允准大兵雲集無須假力於鄰省之民人除移咨南河督且麟慶暨安徽撫臣程琳等暫緩遣發外仰懇

皇上恩諭該督撫等停止雇募以節糜費而免他虞

殊拙所見大有深意朕未見鈔

諭軍機大臣等本日據奇明保等馳奏甯波府城失守防禦紹興府及省城一摺據奏八月二十九日夾船八隻駛進郡城連開大礮轟擊城內兵數無多即行失陷等語覽奏憤恨之至所奏曹娥江為緊要關隘飭令在籍藩司鄭祖琛會同總兵李廷揚該道倪澤長等協力堵禦並令臬司蔣文慶駐紮聲援安設糧臺等情均即照所議辦理所調江甯旗兵八百名尚恐無濟於事省城募練民勇勢不能分壽春江西湖甘等處官兵尚未抵浙著劉韻珂先就現在情形妥為籌辦至省城地方關繫緊要業已令將調兵惟總須兩月內外方能抵浙仍著劉韻珂會同

奇明保恆譽相機設法竭力保守以待大兵之至其提督余步雲實在下落著查探明確據實具奏毋稍含混另片奏招集鄰省鄉勇恐致勾結土匪所見大有深意既據移咨麟慶程霖畧緩為遣發亦著依議辦理已諭知麟慶程霖畧即行停止浙省所謂湖北江西安徽河南兵共七千名已由六百里加緊分諭各該督撫令其兼程赴浙矣

又

諭本日據劉韻珂等奏甯波府城失守現在防禦紹興及保守省城一摺該省兵刃甚為單弱朕心焦急之至前所調湖北兵二千名江西兵三千名安徽河南兵各一千名著裕春吳文鎔程

檄岑鄂順安迅即派委曾經出兵將弁管帶起程即交劉韻珂
等分撥防堵官兵早一日到浙即浙省早得一日之用著裕泰
等諄飭帶兵各員兼程赴浙沿途毋許逗留仍嚴行約束毋任
滋擾

又

諭前據裕謀奏明飭委舒夢齡雇募鳳陽潁州二府鄉勇並飛咨
麟慶將徐州府鄉勇招募赴浙備遣本日據劉韻珂奏喚逆在
浙滋擾大兵指日雲集無須假力於鄰省之民人等誦著麟慶
程檄岑即行停止雇募

京口副都統海齡奏本年八月二十三日准蘇撫梁章鉅

咨准

欽差大臣裕謙鈔摺咨會大幫夷船於八月初六七八九等日連
檣而來勢將分撲鎮海定海現在調兵堵剿並稱江蘇海面
已業已布置周密等因奉伏思浙江洋面昆連江蘇洋面
自寶山迤北崇明孤懸狼福對峙為入江門戶查京口大
江乃七省咽喉東接狼福僅有六百餘里今大幫夷船復
至浙洋其勢猖獗較甚一帆船可到京口雖江心間有淤沙
但本年江潮漲旺今屆八月下旬未見消落大號夷船或
難駛進杉板夷船未敢度其不至僮夷船窺入江境勢須
船隻攔江堵截查京口水師存存高濬三營額設海哨船

二十二隻於本年春季調操時據水師副將呈報屆修至今未見具報開工。現在祇有高資營商船八隻奉改海哨船八隻為數無多不敷應用如預備攔江堵截自應多雇民船而署常鎮道張琴久住揚州收納稅課於地方一切事宜並未籌畫。等無地方之責。又無經費礙難辦理查圖山要隘雖水師設有礮十二位官兵僅止八十餘員名查東馬頭要隘。等前經奏明派撥旗營官兵礮位防堵此項官兵均係自備資斧輪流防堵半年以來尚屬奮勉再京口旗營額設甲兵一千一百餘名經等挑選精壯者八百名訓練半載以來尚屬可用其水師營弁兵除經調赴福

山劉河一帶防堵及巡江守汛之外所勝之兵不過數百
名再查鎮江府城垣因年久失修前經紳民捐資修理於
道光十八年九月開工迄今三載非獨倒塌處所未經修
竣即已修之處又被雨水沖塌二段孝親往查看臨江北
面倒塌一段計十二丈餘東面倒塌一段計五丈餘茲值
逆夷在各省洋面游奕滋擾迴非平時可比城郭不完難
資防守孝曾經囑令地方官趕緊修葺至今並未修整孝
身受

重寄悚惕尤深晝夜焦思實難措置仰懇

皇上敕下江省督撫預為籌備船隻攔江堵截並催令趕緊修整

鎮郡城垣庶不致臨時緩不濟急。

諭軍機大臣等海齡奏請豫籌防堵一摺江浙洋面毗連現在逆夷在浙猖獗江蘇海口必應嚴密防堵京口為入江門戶本年江潮漲旺尤應加意嚴防現經海齡派撥旗營官兵礮位分布要隘惟水師營弁兵除調防及守汛外僅數百名兵力尚單著佈勒亨興倫於江甯駐防內酌撥弁兵協同防堵

浙江道御史殷德泰奏竊維兵旅之事惟靜可以制動亦有守而後能為我

國家文修武備事皆動旅豈小醜跳梁敢擾

天討乃自夷風不靖未能殲絕醜類非其猖獗而難勦滅也誠以

彼有以窺我之虛實。我轉無以測彼之出沒。其故何哉。沿海一帶。率多利涉之人。非登戶。即漁人。乘潮駁浪。日事風濤。此其人小利自驅。招之即至。為我用則成水勇。為夷用則為漢奸。夷易辨而奸難識。此所以透漏消息。資助盜糧。接濟火藥。比比皆是。況又有鹽梟煙匪。羅致其中。而欲盡絕根株。誠非易易。竊謂與其朝閩夕粵。疲敝我師。使千萬帑金。盡歸虛糜。何若集虛糜之費。佐錢糧之需。使沿海一帶。招集漁戶。團練水勇。編隊設伍。以固海防。俾其各贍衣食。各護桑梓。誰肯背室家。以為夷用也。而又課其勤惰。敢勇者與以獎勵。是海疆多一水勇。即喚夷少一漢奸。則夷

不戰而自退矣不然我出彼竄我勞彼逸未見其獲益耳
不第此也即如四川兩湖固皆率土之民然已夫教匪未
必盡靜今使弁兵離次僕僕於閩浙東粵之間儻有不虞
將何以禦侮耶相應請

旨飭下沿海各省編查漁戶以禁偷漏覈計庫貯以增軍糧庶硝
磺梁穀無私出之途而佃漁悉成勁旅矣

諭軍機大臣等寄諭沿海各省將軍督撫御史殷德泰奏請招集
漁戶團練水勇一摺據稱各省沿海一帶率多蜑戶漁人若能
招集仗為我用是海疆多一水勇即逆夷少一漢奸等語此輩
漁戶人等習處海濱良莠不一其安分者固可藉資禦侮而殊

驚者亦恐別滋事端該御史請編隊設伍課其勤惰與以獎勵之處是否可行即著體察情形妥議具奏

癸亥

諭內閣自上年暎夫犯順以來滋擾廣東福建浙江三省沿海居民慘罹鋒鏑或被搶掠一空或致流離失所朕統御寰區痼瘵在抱每聞各處奏報為之寢食不安已命奕經為揚威將軍特依順文蔚為參贊大臣調集各路精兵剋期進剿大兵到浙自必迅速歲功惟各路所調官兵經過郡縣地方恐或約束不嚴藉端騷擾著責成該將軍等嚴飭管兵各員分飭所屬謹守紀律秋毫無犯違者即以軍法從事如有容縱徇隱別經舉發惟

該將軍等是問其沿海各處鄉村均宜自行團練鄉勇聯絡聲勢上為國家殺賊下即自衛身家其有奇才異能足備禦侮之用者許赴軍營自行投效該將軍等量才器使遇有出力之處隨時保奏候朕施恩從前三省教匪滋事儘有由義勇出身擢至大員者該將軍等務當多方激勸咸使有勇知方一技一長毋稍屈抑凡茲薄海臣民皆係朝廷赤子二百年來食毛踐土具有天良當此逆夷不靖自必志切同仇斷不可為奸夷所惑自外生成其或被脅陷賊自拔來歸亦即宥其既往予以自新俾得同贊膚功共享太平之福著沿海各督撫刊刻旂黃徧行曉諭用示朕外攘內安至意

諭軍機大臣等。前因逆夷在浙滋事。有旨令吳文鎔挑選九江鎮精兵一千名。迅速派員管帶赴浙。此項官兵。現在無論已未啓程。俱著即撤回歸伍。其前經調赴閩省後。又截赴浙江之江西兵二千名。仍著催令速往。

又

諭。喫逆在浙猖獗。甯波失守。已授奕經為揚威將軍。出師征勦。著寶興。迅速於四川建昌松潘兩鎮屬內。挑選精兵。其該省屯兵有可調用者。亦著一體挑選。共足二千名之數。派委曾經出師之鎮將管帶。前赴浙江軍營。聽候調遣。沿途嚴加管束。毋許滋擾。

直隸總督訥爾經額奏。竊臣於九月初五日。疊准軍機大臣字寄。道光二十一年九月初四日。奉

上諭。本日據琦明保等馳奏。浙江鎮海失守等因。欽此。初五日。奉上諭。昨已降旨。將所調陝西兵二千名。改赴浙江等因。欽此。當即欽遵。分別咨行遵辦。又於初七日。奉

上諭。天津地方緊要等因。欽此。臣查陝西頭起官兵。前據井陘縣稟報。於初三四日陸續入直。現已行至正定一帶。遵即恭錄知照。並分飭沿途趕備車馬。約計十四五日。可以行抵天津。所有後路應在何處屯營接應。容俟提臣到日。再行會同勘定。妥議辦理。至續行調防山海關之提鎮等標營。

兵一千名前准

欽差都統哈琅阿咨照。吉林頭起兵五百名到關。擬先撤兵六百名。撥赴北塘協防。奏明在案。據報甫經起程。當即分飭迅速折回。以資防堵。再察哈爾本年應交馬匹。臣已派委易州營游擊斐什賀。帶同提鎮各標將備。赴京核實收領。一時領到。即當派撥各標。暨巨標妥實弁兵。餵養收放。務使一律騰壯。馳驅得力。斷不准散置各營。致誤臨時調遣。訥爾經額又奏。正繕摺間。復准軍大臣字寄。九月初八日。

奉

上諭。本日劉韻珂奏逆夷情形。兇悍異常。著該督悉心籌畫具奏。

等因。欽此。並將劉韻珂片奏鈔寄前來。臣查大沽北塘海口。應需槍礮火藥。已調存八萬餘斤。在大沽新城等處分貯。足可隨時撥用。其大小礮位。應需礮子。每礮已滿二百餘出。現在各營仍陸續趕造火藥。源源解運。至大沽海口。迤南港汊。其天津所屬唐巨河海口。久經乾涸。不通舟楫。又祁口趙家溝徐家溝三處。為滄州鹽山所轄。均係斷港。不通內河。相距天津府城。均有一百七十八里至二百餘里不等。距該州縣城廂亦有百餘里。近海均無大村落。不過零星土屋。內祁口河口門稍寬。而水深不過數尺。潮漲水漫。近口僅及二十餘里。即已斷流。前已在於河口水深。

之處。暗釘木椿。防其小船駛入。並派兵二百名。鄉勇百餘名。分撥小礮二十餘尊。派委臣標前營游擊巴善興額帶領防範。趙家溝等處。亦已分撥兵礮鄉勇。擇要安設。惟山東所轄之大口河海口。其北岸距狼坨子僅止八里。該處河口較寬。小船可以乘潮駛入。情形較為緊要。前經臣奏明飭委順德府知府鄭喬林前往狼坨子一帶後路。督同該地方官。廣募鄉勇。以防夷匪由山東大口河登陸竄入直境。現蒙

敕令固原提臣胡超。將後起官兵一千名。一併帶赴天津防堵。俟提臣到日。於大沽海口至天津郡城道中之地。商同擇要

安營則各處後路均可藉以應援。更為周密。所有沿海一帶海口。惟大沽與天津內河一水相通。其餘港汊均無直達天津之路。

諭軍機大臣等。訥爾經額奏。遵旨籌撥兵馬一摺。又另片奏。豫備鉛丸火藥。及沿海擇要防範等語。所辦均屬周妥。惟北塘海口。前經該督將山海關撤兵六百名。撥赴該處協防。現已飭令折回山海關。是該處兵力尚嫌單薄。不足以資守禦。仍著該督相度形勢。再行添撥官兵。務期得力。

甲子。

諭軍機大臣等。寄諭直隸總督訥爾經額。天津海口緊要。經該督

調撥官兵駐紮防堵尚屬周密。惟轉瞬節交冬令氣候嚴寒。該夷是否北駛未可豫定。如屆期酌撤兵弁則恐夷情詭詐。萬一北來一時調撥緩不濟急。如概行留駐又恐該兵丁等冒雪衝寒巡邏防守自必倍形勞苦。宜如何妥為安置。著該督察看情形豫籌妥議具奏。

又

諭現在軍務緊急。此後江蘇省如有應奏籌堵情形。著梁章鉅一面奏聞。一面將奏稿咨照揚威將軍奕經等。不可稍有遺漏。違誤。

浙江提督余步雲奏竊守於本月二十八日因甯波城空

虛勢甚危急。迅將捍禦大概情形。由六百里奏明在案。逆料夷船必於次日駛入滋擾。當夜會督府縣並在城將領周士法李宗白等分門緊守。緣無大礮。又兼兵單。不能處處登陴抵禦。故先令敢死官兵。暗伏城廂內。遣一二精細。在城頭瞭望。如夷匪近城。少則開門突出擒斬。多則搜兵勿動。萬一攻入城門。務以死拒。李預帶奮勇弁兵三十員。名以備臨時接應。稽查漢奸。其實自

欽差大臣裕謙走後。全軍散去。此時在城兵丁。並府縣自募鄉勇。通共不過數百人。連夜趕緊分派租備。逆夷果於二十九日。駛入三桅暨兩桅夷船八隻。火輪船二隻。杉板船三四

十隻。分泊東北靈橋三門城下。午正連開數十大礮。杉板船二隻。即從北門駛擁登岸。李聞信趕至。見夷船為數無多。即令開門勦殺。兵勇各執槍矛。一擁撲出。連斃數賊。餘賊退走。竟向靈橋門竄擾。李即招兵勇入城。不令遠追。恐其窺知虛實。又聞東門亦有夷匪登岸。李急往接應。已為府縣暨將領周士法李宗白等并力擊退。復將城門堵閉。城外夷船復開大礮。礮子飛入城中。打壞民房無數。兵勇亦多擊斃者。忽飛報靈橋門已為夷匪用大礮轟開。大夥夷匪撲入城中。撞礮為槍排牆而進。李聞之。毗裂髮指。奮不顧身。抵死前往巷戰。甫過提署。早有負槍夷匪十數人。

將入署內。李痛恨已極。大聲喊殺。隨從兵丁亦呼譟齊進。夾匪接連放槍。隨即奔入巷中。李騎馬適為飛彈所擊。倒地壓傷右足。忍痛更換從騎。回視左右不過八九人。事勢至此。萬無可為。李此時本不欲生。因思各處連喪提鎮大員。不惟有損。

國威。且愈長逆夷驕悍之心。與其死於敵而有損無益。莫如苟延旦夕。再圖後效。祇得攜帶提督關防。由南門退出。雖有夾匪跟追。疑城外有伏。一時不敢逼近。李得以出城。在途間得甯波府知府鄧廷彩。帶領鄉勇。與夾匪接仗受傷。為從人救出。鄞縣知縣王鼎勳聞已投水。不知生死。將領

周士法李宗白等力不能支。陸續退出。又聞甯紹台道鹿澤長赴餘姚。梁湖催辦糧餉。截留鎮海敗兵。查得上虞為甯郡咽喉。又梁湖曹娥距上虞三四十里。亦係甯郡餘姚必由之地。衢州鎮總兵李廷揚亦在餘姚。梁湖往來彈壓。李即在上虞收集散兵。又接杭州來信。撫臣乙於三十日派委臬司蔣文慶。星赴紹興。沿途催調各路官兵。即到梁湖曹娥。籌商防堵事宜。並有江南旗兵。暨省標兵。陸續已到。人心稍定。一俟大兵到齊。拚此餘生。必期有以報

皇上天恩。李初一日至上虞。因隨從書識摺料等件。直至初四五日方有趕到者。是以奏報稽遲。前此定鎮失守。李負罪已

極。今又失陷甯波府城。應請

敕交刑部。從重治罪。不勝愧懼之至。

諭軍機大臣等。余步雲奏甯波失守。退守上虞。收集散兵一摺。曹娥江距上虞數十里之遙。為省城門戶。最關緊要。昨據劉韻珂奏。現已飭令鄭祖琛。李廷揚。鹿澤長等。協同堵禦。並令蔣文慶。駐紮聲援。著余步雲趕緊收集散兵。認真防堵。無令逆夷竄入。該提督不必赴省。

又

諭前因鎮海失守。曾經降旨。諭令劉韻珂。飭知余步雲。在浙江省城。協力防堵。茲據余步雲馳奏。甯波失守。該提督現已退至上

虞等語。曹娥江為緊要門戶。該撫前派鄭祖琛帶兵防堵。現已諭令余步雲速赴曹娥江。協同守禦。至此後浙江辦理防勦情形。該撫一面奏聞。一面即將奏稿咨會揚威將軍奕經等。不可遺漏遲誤。

丙寅。

諭軍機大臣等。倭夷滋擾浙省。指日大兵雲集。剋期進勦。糧臺為行軍要需。必應安置妥協。毋誤轉輸。方足以壯軍聲而堅眾志。昨已降旨。令劉韻珂總司局務。並派令前任藩司鄭祖琛。卡士雲。暨孫善寶。管通奉管理糧臺事件。惟浙省現在逆夷逼處。自不便於省城設立總局。牛鑑到任尚需時日。著梁章鉅先行籌

畫通中之地。何處建設總局。何處分局。總期調度得宜。源源接濟。不致有意外之虞。方為妥善。鄭祖琛現經劉韻珂派赴曹娥江防堵。其卡士雲孫善寶管通。羣先後路過江蘇。應如何分布辦理之處。著梁章鉅一面調遣。一面奏聞。並著飛咨揚威將軍奕經等知之。俟牛鑑到後。再行會同妥商籌辦。以昭慎重。而濟軍需。將此由五百里諭知牛鑑。梁章鉅并諭令劉韻珂知之。

丁卯浙江巡撫劉韻珂奏。竊臣於鎮海失守之後。即遣精細弁兵。改裝易服。前往查探。尚未據回省。臣現向鎮海甯波逃至省城之人。逐加查問。據稱該逆於前月二十六日。攻破縣城。即至

欽差大臣裕謙寫所用烏槍數百桿。四面轟擊。立成灰燼。並向城內遺民。聲言伊等上年蒙前任

欽差大臣伊里布。以禮相待。本年復將被獲各俘。與伊等易換定海。伊等感其不殺之恩。本不敢再來浙省滋擾。乃裕謙到浙。廣貼告示。必欲將伊等勦滅。伊等夷眾。偶被拏獲。動輒剝皮抽筋。是以前來報仇。今鎮海定海。俱為伊等所有。伊等尚欲前至天津。遞稟懇求。

大皇帝准其在浙通商。並在甯波建設夷館。令各遺民照常安居。毋庸驚懼。及其攻陷甯波。亦以此語向人哄誘。並將我鎮海等處。所設各銅礮。搬至甯波城上安設。鐵礮用藥炸燬。

又逐日在教場內操練。又遣火輪船直至慈谿之丈
亭一帶。採量水勢。此外船隻四散分泊。自甯波直至鎮海。
疏密相間。該逆又照內地船式。另造小船。其黑夷多至附
近各鄉。姦淫婦女。搶擄牲畜。白夷並不擾民等語。此係臣
連日在省探聞逆夷在甯波等處之情形也。查該逆以報
復為名。逞兇犯順。畧地攻城。復欲在甯波挾制通商。實屬
狂悖已極。其火輪船直至內河採水。情尤叵測。惟以上各
情。多係難民傳述之詞。有無不實不盡。容俟臣所遣各弁
兵回省。查詢明確。另行奏報。再且聞鎮海失陷之日。江南
狼山鎮總兵謝朝恩。及黃巖鎮標遊擊林亮光。均已陣亡。

屍身未獲。又鎮海縣縣丞李向陽。自縊殉節。鎮海縣知縣葉堃。亦在城樓自縊。經鄉勇解救出城。該縣復投入河內。經鄉勇設法撈起。送至慈谿灌救。存亡尚難懸定。業據該鄉勇等來省呈報。又署定海縣知縣舒恭受。於定城被陷時。受傷殞絕。經士民槍擡出城。灌救得甦。該署縣復服毒不死。又經擁至岱山調理。該署縣泣諭各士民團練壯勇。密圖恢復之策。因鎮海甯波相繼失守。無從措手。由間道內渡。回至曹江。將各情據實稟報。臣以該署縣素著循聲。民心愛戴。飭令即在曹江招募鄉勇。隨同前任福建藩司鄭祖琛等。妥協防堵。以收指臂之助。至提臣余步雲。已自甯

波退守上虞。業經該提督自行具奏。其餘文武各官尚無下落。臣已移咨提督。及前任福建藩司鄭祖琛等分別飭查。一俟得有端倪。再行專摺奏報。

諭軍機大臣等。據劉韻珂奏。查探逆夷在甯波情形等語。該逆屢肆猖狂。不受撫馭。今在甯波尚敢以報仇為名。並聲言欲至天津。懇求在浙通商。哄誘愚民。可惡之至。現在揚威將軍業已起程。該撫仍遵前旨。嚴密防堵。安輯民人。以待大兵之至。總兵謝朝恩。遊擊林亮光。縣丞李向陽。知縣葉瑩。或係陣亡。或係自盡。雖據該鄉勇等來省呈報。仍俟該撫飭查明確。再降諭旨。著定海縣知縣舒恭受。既經內渡。即著派令在曹娥江招募鄉勇。隨

同鄭祖琛等妥協防堵。其餘文武各員。查無下落者。亦著分別查明具奏。

又

諭寄諭都統哈喇阿等。逆夷情形詭譎。難保不四出滋擾。山海關為畿輔重地。儻有夷船駛至。必應痛勦示懲。現在黑龍江官兵駐紮錦州。作為後援。如屆時有須調撥之處。著一面奏聞。一面飛咨著英等。迅速飭令前往。已另降諭旨。飭知著著烏凌額祁俊矣。

又

諭本日已降旨。飭知哈喇阿等。如山海關有夷船駛至。須進兵攻

勅即飛調黑龍江官兵應援。著者英等將軍裝等件。備辦妥協。一接哈喇阿等調兵之信。即著烏凌額帶領兵丁。兼程前往。毋稍遲誤。

戊辰京口副都統海齡奏。竊查前因大幫夷船。連檣北來。浙洋勢將分撲鎮海定海。第恐闖入江境。應需籌備船隻。擱江堵截。並請修整鎮郡城垣。以資保衛等因。於八月二十五日恭摺具奏在案。續於是日亥刻。准蘇撫梁章鉅咨會。逆夷自八月十三日至十七日。水陸並進。攻奪定海三鎮陣亡。以致失守等因。查接閱之下。驚異之至。伏思逆夷自去夏犯順以來。荼毒黎庶。戕害官兵。遷定海而奪虎門。

退虎門而占廈島。茲復水陸並進。攻奪定海。戕害總兵大員。詭譎百端。詐狡莫測。誠如

聖諭。實神人之所共憤。覆載之所難容。伏思。予前在滑縣。軍營陸路。擊賊。或跟蹤追剿。或三面兜擊。水路交兵。固然有別。其理一也。前者逆夷由粵犯閩。其廣東水師官兵。即應跟蹤追剿。而該逆由廈門滋擾之後。起碇北來。閩省水師官兵。亦應跟蹤追剿。浙兵擊其前。閩兵擊其後。使其首尾不能相顧。似可取勝。且該逆當犯閩洋之時。該水師提督。曾實振彪。在外巡洋。豈無哨探。及至回閩時。已知失守。又不跟蹤追剿。坐失機宜。即如定海接仗。四晝夜之久。閩省若有跟

蹤追勦之兵。再加以鎮海分兵前往應援。何致夷船更番
迭進。傷害官兵。夫守定海。而各省督臣。平時均以防堵嚴
密。飾詞具奏。乃夷船一經駛進口岸。即致失守。不暗兵機。
毫無把握。已可概見。至

國家經費有常。該督臣等所深知。今逆夷滋擾一載有餘。各
省耗費帑項。不知凡幾。若再遷延日久。逆夷滋擾之事。小
漢奸勾結之患更深。不知何時蕨事。老師糜餉。在在堪虞。
夫用兵之道。全在統領大員。調度有方。出其不意。攻其無
備。使士卒有所恃。無所懼。然後加以激勵。鼓其勇敢之氣。
庶可獲收實效。再浙江閩粵之兵。疊被逆夷挫銳。茲逆夷

又在定海奮其鴟張。更恐三省官兵。多以為逆。夫船堅礮利。趑趄不前。而各督且未能暮加懲創。所以肆行無忌。日漸猖狂。予身受

知遇之恩。夢寐皆思圖報。自聞定海失守。數日以來。晝夜焦灼。寢食難安。惟思兵貴先聲。敵人聞風喪膽。方可制勝。今南省之兵。既已被其挫銳。未免氣餒。恐被逆夷所輕。無所畏懼。若非調集吉林等省官兵。不足以資勦辦。莫若仰求

皇上敕調吉林黑龍江直隸山東等省官兵一千名。一以當百。足敷堵剿。並請

簡派素嫻軍旅鎮靜公正之大臣帶領。並准提調各路水師官兵。

俾謀出一心。度其地勢海道情形。分路兜擊。痛加勦洗。其可仰賴。

皇上鴻福。一鼓殄滅。俾得上撫。

宸廑。下莫民生。再思吉林等處官兵。固然勇健。而於海面乘船。素所未諳。查前次逆夷。占奪沙角大角礮臺。均係緣山而上。攻奪廈門。係放下三板。分路上岸。攻犯定海。係由曉峯嶺進攻。竊按此情形。誠如

聖諭。該逆登陸。占奪礮臺。亦如此兇狠。是防之之術。必應水陸交嚴。方不致倉卒失事。今擬請

簡派大員。帶領吉林等省官兵。前往陸路堵剿。並飭令水師官兵。

分道兜擊。庶不致再有失誤。再查京口地方。現在緊要。特仰蒙

聖恩。身膺

重寄。惟有竭盡愚忱。時加訓練。滿營官兵技藝。以資戰守。

諭軍機大臣等。海齡奏請簡員堵剿浙洋逆夷一摺。已有旨命奕經為揚威將軍。持依順文蔚為參贊大臣。調集各省精兵。剋期進剿。吉林黑龍江官兵。現已派往盛京及山海關防堵。至浙洋逆夷滋擾京口。為入江門戶。甚關緊要。著該副都統嚴加防範。毋致疏虞。現已諭知牛鑑。章鉅令其體察情形。酌量調撥矣。

又

諭。本日據海齡奏京口地方緊要。已諭令嚴密防範。因念該處滿洲綠營官兵。是否足數防堵。著牛鑑梁章鉅體察情形。如有應行添撥之處。一面奏聞。一面先行調派。毋誤事機。現在浙洋逆夷滋擾。江蘇地面毗連。沿海各州縣衛。多有逆夷垂涎之處。著牛鑑梁章鉅擇要防守。要密布置。不得以現在夷船尚無蹤跡。稍存大意。其安撫居民。嚴拏土賊各事宜。尤宜妥為料理。以杜驚擾。總須先事豫備。毋致臨事周章。是為至要。

庚午。軍機大臣穆彰阿等奏。道光二十一年九月初一日。內閣鈔出。直隸總督訥爾經額奏。天津等處海口酌籌添駐官兵。並建蓋墩臺營房。以資經久防範一摺。道光二十

一年八月三十日奉

硃批。軍機大臣會同該部議奏。欽此。臣等公同商酌。天津附近京畿。而山海關為

盛京門戶。且海面夷匪。出沒無常。自應加意防範。如有兵力較單之處。理當隨時酌添。以資防守。該督所請酌添兵丁六千名。分布各口岸。水陸交防。於

畿輔重地。實有裨益。應如所請辦理。惟所稱在直隸省各營抽撥二千名。其餘四千名。在外省簡僻營分抽裁。臣等思各省額設兵丁。如有今昔情形不一。自可隨時變通。惟現在海疆未靖。所有沿海省分。惟廣東一省兵數較多。尚可

一律抽裁。至山東江蘇浙江福建四省。均未便輕議裁減。其餘各省。雖地方安謐。亦不免有征調策應之兵。即使量為抽裁。未必能足四千名之額。查直隸省兵額。除天津鎮標兵五千八百八十一名。其餘各標營共兵三萬二千三百九十九名。若抽撥十分之一。計可得兵三千二百名。以之移駐天津各口岸。不勞遠涉。而於該省兵額。仍屬無虧。其抽撥之兵。仍令該督飭屬安為移駐。務使人地相宜。以資捍衛。此外二千八百名。即由臣兵部行文各省督撫。察看地方情形。擇其可減者。如數抽裁。仍令於通省各標營。出有兵額酌量裁撥。統限一年。務足二千八百名之數。惟

現值防夷喫緊。若俟各省減裁。未免有稽時日。應准該督先行招募練勇二千八百名。即與直隸省所撥之兵。分布各營。以備防堵。仍分馬步守造冊報部查覈。此項練勇。即令該督在沿海居民中。及時招募。俾得水陸交防。既足資其禦寇之力。且以杜其為匪之心。似於海口地方。大有裨益。應雷軍器口糧。即著該督暫行籌畫。無致缺失。此後各省陸續抽裁。即將所裁之額。隨時挑補入伍。所有各省分裁兵額。謹開單恭呈

御覽

奉

旨依議各省擬裁兵數目。

山西省共兵二萬二千九百六十五名。擬裁兵一百六十

名。

河南省共兵一萬五千四百九十一名。擬裁兵一百一十

名。

廣東省共兵六萬八千二百六十三名。擬裁兵四百八十

名。

廣西省共兵二萬二千六百三十二名。擬裁兵一百六十

名。

江西省共兵一萬二千五百六十二名。擬裁兵九十名。

湖南省共兵二萬七千三百六名。擬裁兵一百九十名。
安徽省共兵九千五百二名。擬裁兵六十名。

湖北省共兵二萬六百四十五名。擬裁兵一百四十名。

陝西省共兵二萬五千一名。擬裁兵一百七十名。

甘肅省共兵六萬九千三百四十一名。擬裁兵四百八十名。

雲南省共兵四萬四十二名。擬裁兵二百八十名。

貴州省共兵三萬六千七百三十七名。擬裁兵二百六十名。

四川省共兵三萬一千八百八名。擬裁兵二百二十名。

以上各省共兵四十萬二千二百九十五名。擬裁兵二千八百名。

浙江巡撫劉韻珂奏。竊。自九月十二日。承准軍機大臣字寄。九月初六日奉

上諭。本日。余步雲奏甯波郡城空虛。設法捍衛一摺。現在逆夷已在城外。量水深淺。必乘虛攻擊。著劉韻珂設法救援。惟省城尤為緊要。又恐該夷聲東擊西。使我不能相顧。是在該撫通盤籌畫。擇要防守。如甯波已被占據。即著該撫傳旨飭令余步雲同在省城協力防堵。其紹興郡縣與甯波毗連。儻有可救援之處。著亦極力設法。分別扼守等因。欽此。查甯波府城。業於前月二十九

日失守。臣已會同將軍臣奇明保等恭摺奏報。並因甯紹
毘連甯波不守。則紹興可虞。該處一帶。惟曹娥江最為扼
要。上可保障紹興。下可應援餘姚慈谿二縣。臣因省城民
心驚惶。不能遠離。即奏委前任福建藩司鄭祖琛等帶兵
駐紮其地。以資控扼。嗣知提臣余步雲於甯波失守後。退
保上虞。臣復令該提督即赴曹江。與鄭祖琛等會籌堵禦。
藉以保衛紹興。並斷該逆自紹直犯省垣之路。至慈谿餘
姚二縣。均在曹江之外。與甯波唇齒相依。現聞慈谿紳士
於通郡小港內。排釘木椿。夾船或一時不能竄入。其餘姚
居民四散。城邑空虛。昨據探報。或稱該縣已經失陷。或稱

尚未失陷。或稱失陷之後。逆夷復又退去。紛紛不一。臣距
隔較遠。不能確知。已飭鄭祖琛確查稟報。另行具摺奏報。
並因江甯旗兵八百名。湖州兵二百名。已抵曹江前。

欽差大臣裕謙截留之。江西兵二千名。內頭二三起兵一千五百
名。亦將次到彼。該處兵勢稍振。移谷提臣琛明餘姚。如果
並未失陷。或失陷之後。逆夷業已退回。即分兵前往守禦。
並就近救援慈谿縣。現在情形。曹江實為重鎮。如使該處
可守。則紹興。迤西各縣。或可保無虞。並可策應餘慈二縣。
必須提臣在彼。與鄭祖琛等會籌妥辦。自不宜移至省垣。
致孤該處聲勢。且現已咨會該提督。仍駐曹江。毋庸來省。

惟省城乃根本重地。僮夷船由定海西駛。可由乍浦尖山直抵城外。臣因此時兇逆逼處宵波。不得不先其所急。令提臣與鄭祖琛等扼守曹江。而省城之備禦。不可稍疏。現與藩司常恆昌。暨將軍。臣奇明保。副都統。臣恆興等。督飭滿綠營官兵。並鄉勇義民。竭力捍禦。但兵勢單弱。義勇又係不經行陣之人。擬俟江西未起兵五百名到浙。即行留衛省垣。又壽春兵一千名。亦將入境。並擬以一半留省。一半前往曹江。俾不致顧此失彼。至省中大員。將軍副都統。祇能料理旗營軍務。臣與藩司二人。綜司一切實屬應接不暇。臬司蔣文慶。現駐紹興府城。督理糧臺。今糧臺事務。

已委衢州府知府湯俊。往與紹興府知府定保。會同辦理。應令臬司即行回省。以期省中襄理有人。不致貽誤。其紹興府地方。應否另駐大員。臣當移行提臣等。逐加籌商。如果不可無人。即令現在曹江之甯紹台道鹿澤長。移駐此地。以示聯絡。

劉韻珂又奏。九月初八日。接准軍機大臣字寄。前

欽差大臣裕謙

諭旨一道。內開九月初二日奉

上諭。新放定海鎮總兵陳述祖。係浙江副將。即著該大臣迅速飭赴軍營。毋庸來京請訓等因。欽此。查陳述祖係湖州協副將。前

經飭令統率湖州官兵駐紮乍浦與副都統且長喜抗嘉
湖道宋國經等協力防堵茲奉

擢任定海鎮總兵查定海業已失守該標兵丁全數潰散該鎮此
時不特無任可到且亦無兵可帶而乍浦切近定洋最關
緊要該鎮帶兵在彼防守已及半年官與兵相習兵與民
相安正資倚賴不使遽行更易致有貽誤應請令該鎮暫
署湖州協印務駐守乍浦以資熟手將來大兵雲集如須
該鎮赴營委用再行酌辦

諭軍機大臣等據劉韻珂馳奏籌度浙省現在情形一摺據稱甯
波失守紹興可虞曹娥江最為扼要現委鄭祖琛帶兵駐紮並

令余步雲即赴該處會籌防堵所辦甚是。現在江甯旗兵八百名。湖州兵二百名。已抵曹娥江。截留之江西頭二三起兵一千五百名。亦將次到彼。者劉韻珂檢令嚴密防堵。毋稍疏虞。至省垣重地。備禦尤不可稍疏。該撫擬俟江西未起兵五百名到浙。即行留衛省垣。並擬將壽春兵一千名。一半留省。一半遣赴曹娥。並令臬司蔣文慶回省襄辦等語。均著照所議妥辦。又另片奏定海鎮總兵陳述祖在乍浦防守。亦關緊要。仍令暫署湖州協印務。亦著照所議辦理。

浙江提督余步雲奏竊於八月二十九日。因力竭難支。退出甯郡。稽至九月初六日。甯總摺由六百里加緊奏報。

在案稽遲之由。前指已經聲明。竊等恐夷匪乘勢西向。直犯曹娥紹興一帶。於上虞梁湖曹娥等處招集散兵。一面派令安幹弁兵。改裝易服。前往餘姚。確探夷情。就便假寫浙江餘姚紹興以西義民告示。暗赴甯波鎮海四路張貼。以為百姓數百萬同心仇敵。恐駭不使西擾。以救目前之急。前調各處官兵。僅止江南旗兵八百。截留曹娥江本省湖州兵二百名。隨李暨衢州鎮總兵李廷揚暫駐上虞。以遏甯波總徑。雖江西兵頭起已到五百名。兵力尚形單弱。不足以資防剿。又商之在防司道鄭祖琛等。飛咨撫臣協調。衛處金華嚴州甯海等處官兵一十二百名。尚須一月。

來齊以期應手。經鄭祖琛等先令上虞縣知縣劉廣瀨把
募鄉勇數百。共為聲勢。九月初六七日。探得火輪夾船二
隻。杉板五六隻。在餘姚慈谿探量冰勢。李先數日購得定
郡細作多名。聲言官兵協同甯紹上虞慈餘義民數萬。在
餘姚以西各處埋伏。奮力截勦等語。偏處虛傳。走逆似有
所聞。初七日竟已退回甯郡。即令兵勇數人。改裝百姓混
入甯郡。探聞夷匪言稱我們此來原為報仇。聽得

欽差裕大人由甯波逃往餘姚。我們特來尋他。先聞縣在慈谿。我
們所以先至慈谿。近日方知他死了。都不與你百姓相干。
李祭其有畏百姓之意。連日尚不出擾。李盡心設法罵辱。

斷不令其滋擾他處有勞

聖懷。但浙江百姓。非粵閩之強悍可比。一聞逆夷。驚駭非常。所以
招募鄉勇。不願者多。即其應募賊至而散。即浙江之兵。自
定鎮失守。全省震動。驚心未定。一時亦難策勵復用。李管
見。非西北得力精兵二三千。不能濟事。查湖南四川貴州
等省官兵。甫自廣東撤回。惟陝西漢中陝安固原等處。地
連川楚。其風尚武。上年回疆軍務。極為得力。應請

皇上聖裁。可否於該省提鎮標。酌調二三千名。擇幹勇嚴明之鎮
將。管帶前路。途雖遠。不過兩越月。即可抵浙。俟

欽差統兵大臣到時。先此。一得力之兵。勒辦自能應手。俾李

得以盡其不死。愚。其。之餘力。

諭軍機大臣等。本日據余步雲馳奏。夷蹤滋蔓。請添兵防堵。

一摺。據奏。假寫義民告示。偏處虛傳。逆匪退回甯波。驚疑不出等語。覽奏已悉。所謂衢州等處官兵一千二百員名。並招募鄉勇等情。均即照議辦理。前已有旨。令該提督駐守曹娥江。著即遵旨。協同鄭祖琛等。加意防守。阻截逆船。如有疏虞。惟余步雲是問。現據劉韻珂奏。江甯湖州兵一千名。已抵曹娥江。又撥分撥壽春等處兵協防。足資抵禦。所奏請調陝省官兵。前因天津亦須防堵。已令胡超帶領精兵二千名協防。至浙省軍營。已調江西安徽湖北河南四川五省精兵。俟揚威將軍奕經到浙。諒

己足敷勸辦矣。